

nem macerant, & in futuro mercede priuantur: quia sicut dñs ait, **Receperunt mercedē suam.** Sunt enim nonnulli, qui cum serui sint uitios, ut appareant hominibus iusti, aliena pctā acriter corrigunt, de qualibus scriptura dicit: **Est correptio mendax in ore contumeliosi.** Talibus conuenit quod dominus ait: **Hypocrita, eijce primum trabem de oculo tuo,** & tūc perspicies ut educas festucam de oculo fratris tui.] Neque hæc dicentes aliquem à fraterna correptione prohibemus, maxime cū sicut Iacobus apostolus ait: **Qui conuerti fecerit peccatorem ab errore uic suæ, saluabit animā eius à morte, & operit multitudinem pctōrum.** Sed quotiescunq; fratrem peccare uidemus, nostrā fragilitatis memores, benigne & leniter corrigere debemus, monente Paulo apostolo: **Frātres, & si præoccupatus fuerit homo in aliquo delicto, uos qui spirituales estis, huiusmodi instruite in spiritu lenitatis, considerans teipsum, ne & tu tenteris.** Cum autem aliquem incorrigibiliter uitij inhaerere cōspicimus, zelo rectitudinis accēsi, diutius increpare debemus, exēplo illius q ait: **Vidi præuaricantes, & tabescebam.** Et iterum: **Nonne qui oderunt te domine, oderam? Perfecto odio oderam illos.** Tunc enim sine culpa irasci uidemur, quādo talem asperitatem non ira, sed zelus format, in exemplum **Moyfi, qui exiit à Pharaone iratus nimis, quia eius nequitiam incorrigibilem uidit.**

DOMINICA VI. POST

Pentecosten. .I. Petri. III.

Charissimi, Omnes unanimes in oratione estote. Et reliqua.

Fraternitatis unanimitas ueluti urbs inexpugnabilis, hostium nō patet insidijs. **Habet em̄** sancta ecclesia, ut Salomon ait, castrorum acie Can. 6
 ordinatam, quam tyrāni & persecutores unā cum auctore suo diabolo nō ualent erumpere: quia in uniente **Christo** nec martyres persecutio, nec uirgines carnalis delectatio, nec misericordes cupiditas, nec humiles temporalis gloriæ deuincit ambitio. compa-
tientes. Sicut enim gaudere debemus cum gaudentibus, ita & flere cum flentibus, sicut Paulus faciebat 2. Corin. 13
 apostolus, qui dicebat: **Quis infirmatur, & ego non infirmor?** fraternitatis amatores. Qui ergo amat homines, aut quia iusti sunt, aut ut iusti sint, amare debet, sicut & seipsum amare debet, aut quia iustus est, aut ut iustus sit. **Dilectionem** autem fraternam quantum cōmendat Iohannes **apostolus**, attendamus: 1. Iohan. 2
Qui diligit, inquit, fratrem suum quē uidet, in lumine manet, & scandalum in eo non est. **Et item:** **Dilectissimi, diligamus nos inuicem, quia dilectio ex deo est.** **Et omnis qui diligit, ex deo natus est, & cognouit deum.** **Et dñs inquit: Mandatum nouum do uobis, ut diligatis inuicem.** **Et in hoc scient om̄es quia mei estis discipuli, si uos inuicem dilexeritis.** miseri-
cordes. **Scriptum quippe est, Facere misericordiā, magis placet deo, quā uictimæ.** **Et qui pronus est** (inquit scriptura) **ad misericordiam, benedicetur.** **Et dñs ait, Estote misericordes, sicut & pater uester misericors est.** humiles. **Scriptū quippe est: Perdit deus memoriā superbōrū, & non derelinquit memoriā humilium.** **Et dominus inquit, Discite à me quia mitis sum & humilis corde.** Matth. 23
Et ad quē respiciā, dicit dominus, nisi ad humilem & quietum: nō reddent

tes malum pro bono. Scriptum quippe est: **Ne dicas, reddam malum pro malo, expecta deum, & liberabit te. Et iterum, Qui uindictam uult, a deo inueniet uindictam, & peccatum illius seruans seruabitur. nec maledictum pro maledicto.** In hoc enim exemplum domini tenendum est, qui cum malediceretur, non maledicebat. **sed e contrario benedicentes. ut illud, Benedicite maledicentibus uobis, benedicite & nolite maledicere. Quia in hoc uocati estis, ut benedictionem hereditate possideatis.** Benedicatio est hereditatis omnis uirtutum copia caelestis, in qua sancti heredes quidem dei, cohæredes autem efficiantur Christi, cum audierint: **Venite benedicti patris mei, percipite regnum, quod uobis paratum est ab origine mundi. Qui enim uult uitam diligere, id est, uitam æternam, beatam, & in futuro sine fine manuram.** [& **Uidere dies bonos,**] in quibus sancti cum sanctis iucundentur in caelis, qui dies non propter interruptionem noctis, sed propter perpetuitatem dicuntur luminis. [**coerceat linguam suam a malo,**] id est, a malo detractiois, maledictionis ac murmurationis, siue generaliter, omnino lingua refrenanda est a malo. **Ait enim Iacobus: Si quis putat se religiosum esse, non refrenans linguam suam, sed seducens cor suum, huius uana est religio. Nam & qui custodit linguam suam, inquit scriptura, custodit animam suam. Et labia eius ne loquantur dolum. Dolus, non dolor, sed fraus intelligitur: quando aliud corde tenetur, & aliud ex ore profertur. [Declinet autem a malo, & faciat bonum,] id est, destruat uitia, & uirtutes ædificet: relinquat quæ instigat diabolus, ut operetur quæ præcipit Christus. **Inquirat pacem****

et sequatur eam, id est, diligenter orando & humiliter interrogando perquirat Christum, qui factus est pax nostra, & imiterur eum. sequi etenim, imitari est. Sive secundum Apostolum, pacem sequatur & sanctimoniã, siue qua nemo uidebit deum. [Quia oculi domini super iustos,] id est, aspectus diuinitatis. [& aures eius in preces eorum,] id est, auditio diuina, qua dignatur preces audire iustorũ. **Vultus autem domini super facientes mala.** Vt quid vultus domini super facientes mala? Audi sequentia: Vt perdat de terra memoriã eorum, id est, de terra uiuentium. Et illud, Deleantur de libro uiuentium, & cum iustis non scribantur. [Et quis est qui uobis noceat?] subauditur nullus. Iuxta huius sententię locum, passiones uel persecutiones nõ faciunt esse miseros, sed præstant esse beatos. [si boni æmulatores fueritis,] id est, si boni dei, de quo scriptũ est, Nemo bonus nisi solus deus. Sive generaliter, siue omnium bonorum æmulatores, id est, imitatores fueritis uirtutum. **Sed et si quid patimini propter iusticiam beati,** subauditur, eritis. Hanc sententiã dominum dicentem Petrus audierat, ubi ait: Beati qui persecutionem patiuntur propter iusticiam, quoniam ipsorum est regnum celorum. [Timorem autem eorum,] id est, persecutorum, **ne timueritis, ut in fide non turbemini.** Et hoc dñs admonuit, ubi ait: Nolite timere eos qui occidũ corpus, animã autẽ non possunt occidere: sed potius eum timete, q̄ habet potestatem corpus & animam perdere in gehennam. [dominum autem Christũ sanctificate in cordibus uestris.] Vbi dñs qui cuncta creando sanctificat, nisi corde pio & corpore casto? Sic dominus

Iesus sanctificandus est in cordibus nostris, ut nomine eius uocemur Christiani, & ut nihil sanctius eius nomine sentiamus. Sanctificemus enim eum in fide, spe & charitate, credendo, colendo & adorando, ut ab illo saluari pariter mereamur & sanctificari.

DOMINICA VI. POST
Pentecosten. Lucae V.

In illo tempore Cum turbæ irruerēt in eum ut audirent uerbū dei, & ipse stabat secus stagnum Genezareth. Et rel.

DE piscibus, quos apostoli ad iussionem domini laxatis retibus cepērūt, locuturi, primum de situ loci uideamus. Ait enim euangeliū: **Cū turbæ irruerent ad Iesum ut audirēt uerbum dei, et ipse stabat secus stagnū Genezareth. Et uidit duas naues stantes. Stagnū Genezareth idem est, quod & mare Tiberiadis, & mare Galilææ. Sed mare Tiberiadis à Tiberiade ciuitate est dictum: mare Galilææ ab adiacente sibi prouincia, quæ & Galilæa nominat. Stagnū Genezareth à Græco uocabulo dictum est, quasi aurā generans, eo quod flantibus uentis, crispantibus undis, auram ex se generare uideatur. Tenet autē hoc mare siue stagnum centum quadraginta stadia in longitudine, quadraginta uero in latitudine. Nec propter hoc mare uocatur, quod amarae sint aquæ eius, sed Hebrææ linguæ cōsuetudo est, omnes congregationes aquarum, siue salæ sint, siue dulces, uocare mare, sicut in Genesi scriptum est: Congregationesque aquarum appellauit maria. Spiritualiter autem hoc mare mūdum signi**